

Քիւ 26168
Դեկտեմբեր 20, 1978

Հոգեշնորհ
Տ. Սուրեն Վրդ. Չինչինեան
Հովիւ Ս. Շողակաթ Եկեղեցւոյ
Գէլվիլ.

Սիրելի Հայր Սուրեն,

Ստացած ենք Դեկտեմբեր 10, 1978 թուակիր ձեր նամակը:

Ուրախ ենք որ կարելիութիւնը ստեղծած էք մեկնելու Մէմ-
ֆիս եւ Սուրբ Ծննդեան արարողութիւնը կատարելու այդ շրջանի
մեր համայնքին մէջ:

Կը շնորհաւորենք Նոր Տարին եւ Սուրբ Ծնունդը՝ ձեզի
մաղթելով առաւել առողջութիւն եւ աստուածաբանոյ ձեր գոր-
ծերուն յաջողութիւն:

Սիրոյ ողջունիւ

ՔՈՐԳՈՄ ԱՐՔԵԳԻՍԿՐԳՈՍ
Առաջնորդ

ՍՈՒՐԲ ԵՐԱԿԱՐ
ՀԱՅԱՍՏԱՆԵԱՅՑ ԵԿԵՆԵՑԻ



Holy Shaghagat
Armenian Church

Դեկտեմբեր 10, 1978

Քերաշնորհ՝
Տ. Թորգոմ Ս. Արք. Մանուկեան
Առաջնորդ Ամերիկայի Հայոց Թեմի
Նիւ-Եորք.

Սիրելի Սրբազան Հայր,

Կուզեմ յուսալ թէ քաջառողջ վիճակի մէջ էք:

Ընդառաջելով Բարեշնորհ Մինաս Սրկ. Մութաֆեանի խնդրանքին, կը ծրագրեմ Մէմֆիս մեկնիլ Հինգշաբթի, Յունուարի 4-ին, Ս. Պատարագ մատուցանելու յաջորդ օրը, Ուրբաթի երեկոյեան, Ս. Մանուկեան տօնին առթիւ:

Մինաս Սրկ.-ի փափաքն էր նաեւ որ ներկայ գտնուէի եւ խօսք առնէի իրենց պարահանդէսին, Շաբաթ օր իրիկուն: Սակայն կարելի չեղաւ գոհացում տալ իր փափաքին, նկատի ունենալով որ նոյն օրը մեր եկեղեցիին մէջ արարողութիւն պիտի կատարուէ:

Կը մատչիմ ի համբոյր Ձեր Ս. աշոյն:

Խղճարհ աղօթակից
Առջեւ ձեր Տիմոթէոս
Սուրեն Վրդ. Զինչիւնեան

Քիւ 26400
Մայիս 29, 1979

Հոգեշնորհ
Տ. Սուրեն Վրդ. Չինչինեան
Հովիւ Ս. Շողակաթ Եկեղեցւոյ
Նախագահ Ժաւական Խորհուրդի
Գէլվիւ.

Սիրելի Հայր Սուրեն,

Ստացած ենք Մայիս 16, 1979 թուակիր ձեր նամակը, որով
կը տեղեկացնէք Ժաւական Խորհուրդիդ անդամներէն Սէմ Ներսէս-
եանի ցաւալի սպանութեան մասին:

Մեր խորագգած ցաւակցութիւնը կը յայտնենք Ժաւական Խոր-
հուրդիդ եւ ողբացեալի հարգաւորուն:

Այսու գիրով կը հաստատենք Տիար Ճէք Գորգոյեանը իբրեւ
անդամ Ժաւական Խորհուրդիդ: Ան պիտի պաշտօնավարէ մինչեւ ա-
ւարտումը ողբացեալ Սէմ Ներսէսեանի շրջանին, ըստ Թեմական
Կանոնադրութեան:

Այս առթիւ կը տեղեկացնենք որ առանձին ծրարով ձեզի պի-
տի ղրկուին Թեմական Կանոնադրութեան եօթը օրինակները:

Սիրոյ ողջունիւ


ԹՈՐԳՈՄ ԱՐՔԵԳԻՍԿՈՐՈՍ
Առաջնորդ

Holy Shoghagat

ARMENIAN APOSTOLIC CHURCH

P.O. BOX 1187 + 400 HUNTWOOD ROAD + BELLEVILLE, ILLINOIS 62221 + 618-233-9453

VERY REV. SOOREN CHINCHINIAN, PASTOR



Մայիս 16, 1979

Բարձրաշնորհ՝
Տ. Թորգոմ Ս. Արք. Մանուկեան
Առաջնորդ Ամերիկահայոց Արեւելեան Թեմի
Նիւ-Եորք.

Սիրելի Սրբազան Հայր,

Մեր եկեղեցւոյ Միական Խորհուրդի հաւատարիմ անդամներէն Սէմ Նէրսէս-
եանի անակնկալ ու ցաւալի սպաննութեան հետեւանքով ըստ կանոնադրութեան հը-
րաւէր ուղղեցի յաջորդ առաւելագոյն քուէ ստացած անձին, ձէք Գորգոյեանին
որպէսզի փոխարինէ Սէմ Նէրսէսեանը, ամբողջացնելու համար անոր պաշտօնավար-
ութեան շրջանը:

Ուստի պիտի խնդրէի Ձերդ Սրբազնութենէն որ բարեհաճէիք հաստատել
ձէք Գորգոյեանի հանգամանքը որպէս Միական Խորհուրդի նոր անդամ:

Նաեւ կը փափաքեմ Ձերդ Սրբազնութեան հաղորդել որ կարիքը ունինք կա-
նոնադրութիւն-գրքոյկներու, մօտաւորապէս եօթը օրինակ: Նոյնիսկ իմ տրամադ-
րութեան տակ գտնուող օրինակը հին տպագրութիւն է:

Ժամանակէ մը ի վեր նկատած եմ թէ մեր եկեղեցին չի ստանար Առաջնորդա-
րանի պաշտօնաթերթը: Գոհ պիտի ըլլայի եթէ մեր եկեղեցին ղրկուէր Առաջնորդ-
արանի պաշտօնաթերթը, Հայատառ եւ Անգլիատառ:


Կը յայտնեմ կանխաւ շնորհակալութիւններ եւ կը մատչիմ ի համբոյր Ձերդ
Սրբազնութեան Ս. աջոյն:

Սոփիա Խոնարհ աղօթակից՝
Սուրեն Կրդ. Չինչինեան

Holy Shoghagat

ARMENIAN APOSTOLIC CHURCH

P.O. BOX 1187 + 400 HUNTWOOD ROAD + BELLEVILLE, ILLINOIS 62221 + 618-233-9453



VERY REV. SOOREN CHINCHINIAN, PASTOR

Ապրիլ 24, 1979

Բարձրաշնորհ՝
Տ. Թորգոմ Ս. Արք. Մանուկեան
Առաջնորդ Ամերիկահայոց Արեւելեան Թեմի
Նիւ-Եորք.

Սիրելի Սրբազան Հայր,

Շնորհակալութեամբ ստացայ Ձերդ Սրբազնութեան Ապրիլ 19, 1979 թուակիր նամակը որով ակնարկութիւն կ'ընէիք Միական Խորհուրդի ատենադրութիւններուն ինչպէս նաեւ իմ անձնական ամսական տեղեկագիրներուն առաջնորդարան ղրկուած չըլլալուն մասին:

Շատ ապահովաբար գոյութիւն ունի խոշոր թիւրիմացութիւն մը գործին՝ համար անկարելի եղաւ բացատրել: Ես ամենեւին տեղեկ չէի այդ պարտաւորութեան կամ պահանջին մասին: Եթէ տեղեկ ըլլայի, բնականաբար ղրկած պիտի ըլլայի զանոնք, որովհետեւ նման բան մը ոչ կ'ընայ անտեսուելի եւ ոչ ալ յետաձգուելի երեք ամիսով...:

Պիտի ջանամ այդ Միական Խորհուրդի ատենադրութիւնները եւ իմ անձնական տեղեկագիրները կարգի դնել եւ ապա առաջնորդարան ղրկել մօտիկ ապագային:

Կը մատչիմ ի համբոյր Ձերդ Սրբազնութեան Ս. աշոյն եւ կը մնամ

Խոնարհ աղօթակից՝
Ասորիս վրդ. Տիգրան Գրիգորյան
Սուրբ Երզնկայի Գիւնչի Ներսէս

Քիւ 26844
Ապրիլ 19, 1979

Հոգեշնորհ
Տ. Սուրեն Վրդ. Չինչինեան
Հովիւ Ս. Շողակաթ Եկեղեցւոյ
Պէլվիւ.

Սիրելի Հայր Սուրեն,

Ձեզի յանձնարարած ենք որ Ժիական Խորհուրդի ժողովներու ասե-
նագրութիւնները, ինչպէս նաեւ ձեր անձնական ամսական տեղեկագիր-
ները մեզի դրկէք ամէն ամիս կանոնաւոր կերպով:

Երկար ատենէ ի վեր ոչ ասենագրութիւնները եւ ոչ ալ ձեր տեղե-
կագիրները ստացած ենք:

Այսու գիրով կը թելադրենք որ 1979 Յունուարէն սկսեալ Ժիական
Խորհուրդի ժողովներու ասենագրութիւններն ու ձեր ամսական տեղե-
կագիրները մեզի փութացնէք առաջին առիթով:

Ձեզի կը ցանկանք հոգիի ու մարմնի առաւել առողջութիւն եւ յա-
ջողութիւն:

Սիրոյ ողջունիւ

ԹՈՐԳՈՄ ԱՐՔԵԳԻՍԿՈՂՈՍ
Առաջնորդ

Քիւ 26515

Սեպտեմբեր 17, 1979

Հոգեշնորհ

Տ. Սուրեն վրդ. Չինչինեան
Հովիւ Ս. Շողակաթ Եկեղեցւոյ
Պէլվիւ.

Սիրելի Հայր Սուրեն,

Առաջած ենք Սեպտեմբեր 7, 1979 թուակիր ձեր նամակը, որով մեզ
կը հրաւիրէք Եկեղեցւոյդ օծման տարեդարձի հանդիսութեանց նախագահե-
լու:

Շնորհակալ ենք ձեր հրաւերին համար, սակայն կը ցաւինք որ այս
տարուան համար ձեր տուած թուականները յարմար չեն մեզի:

Մենք կրնանք Պէլվիւի մեր համայնքը այցելել 1980 Մարտ 23-24
շաբաթավերջը: Հաճեցէք շուտով մեզի տեղեկացնել ծխական Խորհուրդիդ
որոշումը յիշեալ թուականին մասին՝ որպէս զի վերապահենք այդ թուա-
կանը:

Ձեզի եւ ծխական Խորհուրդիդ կը մաղթենք բախտողջութիւն եւ եկե-
ղեցանուէր ձեր գործերուն յաջողութիւն:

Սիրոյ ողջունիւ


ԹՈՐԳՈՄ ԱՐԷՆՊԻՍԿՈՂՈՍ
Առաջնորդ

Holy Shoghagat

ARMENIAN APOSTOLIC CHURCH

P.O. BOX 1187 + 400 HUNTWOOD ROAD + BELLEVILLE, ILLINOIS 62221 + 618-233-9453

VERY REV. SOOREN CHINCHINIAN, PASTOR



Սեպտեմբեր 7, 1979

Բարձրաշնորհ՝
Տ. Թորգոմ Ս. Արք. Մանուկեան
Առաջնորդ Ամերիկահայոց Արեւելեան Թեմի
Նիւ-Եորք.

Սիրելի Սրբազան Հայր,

Այսու կ'ուզեմ Ձերդ Սրբազնութեան հաղորդել թէ կը ծրագրենք տօնել մեր եկեղեցւոյ օծման տարեդարձը Նոյեմբերի 18-ին: Ուստի հաճոյքն ունիմ հրաւիրել Ձերդ Սրբազնութիւնը որպէսզի նախագահէք կատարուելիք տօնախմբութեանց եւ Ձեր բարձր ներկայութեամբը պատուէք մեզ:

Արդեօք վերոյիշեալ թուականը կը յարմարի Ձերդ Սրբազնութեան ժամանակացոյցին թէ ոչ: Եթէ չի յարմարիր, պիտի խնդրենք որ նկատի ունենաք Դեկտեմբեր 2-ը: Այն պարագային երբ Դեկտեմբեր 2-ն ալ անպատեհութիւն ներկայացնէ, կը փափաքինք իմանալ Ձեզի յարմար թուող թուականը:

Կը յայտնեմ իմ կանխայայտ շնորհակալութիւններն ու բարեմաղթութիւնները:

Խոնարհ աղօթակից՝
Ասորի վրդ. Ջինյէն-ան
Սուրէն վրդ. Զինչիսեան